



Urbanus P. VIII.

VUrbanus Papa Octauus, ad futuram rei memoriam, nuper pro parte dilectorum filiorum Præpositorum Ecclesiæ Valentin. nobis expositum fuit, quod à Venerabilibus fratribus nostris Sanctæ Romanæ Ecclesiæ, Cardinalibus, Sacris Ritibus Præpositis emanauit, decretum tenoris subsequen-
tis. Videlicet Valentin. præheminentiarum Relati-
tis ad Sacrum Rituum Congregationem suscitatis
inter capitulum, & Canonicos Ecclesiæ Metropoli-
tanæ Valentin. & Præpositos in dicta Ecclesia, à
fælicis recordationis Sixto Quinto institutos placuit
Sacræ Congregationi desuper exquirere rotum Ro-
tæ, illoq, habito in vim quatuor decisionū ab ea ema-
natarum eadem Sacra Rituum Congregatio referen-
te, Eminentissimo, & Reuerendissimo Cardinali
Pamphileo, viso voto dictis decisionibus examina-
tis & remature discusa decreuit, & declarauit licere
prædictis præpositis sedere immediate post Canoni-
cos in eisdem sedibus, seu scamnis in quibus sedent
Canonici ad audiendas conciones Ecclesiæ, & Ser-
mones calendarum, & palmarum: Item incedere
vna cum Canonicis ad recipiendas Candelas in die
Purificationis, Cinerem, in die Cinerum, Palmas in
die Palmarum, Eucharistiam feria quinta in Cena
Domini, & adorationem Crucis feria sexta Parasæ-
ue. Item accipere candelas accensas, ab Acolito, seu
Scholano immediate post Canonicos in functionibus
in quibus deferuntur. Item Thurificandos esse præpo-
sitos, eisdemq; deferendam pacem, eodem modo, pro
ut Canonicis. Item Præpositos debere salutari à Cano-
nico Præsidente, & ab alijs Canonicis in Choro exi-
stentibus eodem modo quo ipsi Canonici salutantur.
Item licere præpositis associare Dominum Archie-
piscopum, quando accedit ad Ecclesiam ad officia di-
ui;

uina, & cum eo facere circulum iungens Canonicis
ad introitum Missæ Kirie, Gloria, Credo, &c. Item
Præpositos posse ingredi Chorum per portam prin-
cipalem præsentem ibidem Domino Archiepiscopo,
ac ab eo salutatione, ac benedictione honorari debe-
re. Item licet Præpositis sedere in sedibus quæ apo-
nuntur in Ecclesia Santissimæ Conceptionis in die
Processionis Bullæ Cruciatæ. Item debere deferre
Viaticum ad Præpositos infirmos eodem modo quo
defertur Canonicis, & in sepelliendis Præpositis de-
functis esse observandum eundem ritum qui obser-
uatur in sepelliendis Canonicis, eorumque corpora
in eodem Sepulchro Canonicorum esse tumulanda,
& Campanas, eodem modo esse pulsandas. Item in
cantandis Missis posse Præpositos vti Assistentes si-
cut Canonici, parique modo, vt Canonici incidere,
ad prædicandum, nec debere Præpositos genuflectere
ad benedictionem recipiendam. Item distribuendâ
esse ceram Præpositis in Sabatho Sancto immediate
post Canonicos, & eodem modo, pro vt distribuitur
Canonicis. Item declaravit Sacerdotem cum reli-
quia in Processionibus occurrentem recipiendum
esse inter Præpositos, eosdemque, tam in supradic-
tis actibus, quàm in omnibus, & quibuscumque alijs
non expressis dummodo non sint Capitulares facere
vnum corpus cum Canonicis, ac gaudere omnibus
præhementijs, prærogativis Canonicorum abs-
que vlla differentia. Capitulares autem actus eos so-
lum intelligendos esse censuit, qui conserrunt guber-
nium, & administrationem Ecclesiæ, & iura capi-
tuli, & vota eorum qui sunt de capitulo exquirunt, &
ita observari declaravit, die tertia Augusti millesimi
sexcentissimi quadragesimi primi. Cum autem sicut
eadem expositio subungebat præfacti, præpositi de-
cretum huiusmodi quo firmitus subsistat Apostolicæ
nostre confirmationis Patrocinio communiri sum-
mo opere desiderent. Nos eosdem Præpositos speciali-
bus favoribus, & gratijs prosequi volentes, ac eorum
fin.

2
singulares personas, à quibusvis excommunicationis,
suspensionis, & interdicti, alijsque Ecclesiasticis
sententijs censuris, & pœnis à iure, vel ab homine qua
vis occasione, vel causas latis, si quibus quomodolibet
innodate existunt ad defectum, præsentium, dunta
xat consequendū harū serie absolventes, & absolu
tos fore censentes supplicationibus illorum nomine
nobis super hoc humiliter porrectis inclinati decretū
præinsertum cum omnibus, & singulis in eo conten
tis Apostolica autoritate tenore præsentium, con
firmamus, & approbamus *illiq; inviolabilis firmitatis
robur adiicimus*, & omnes, & singulos, tam iuris, quàm
facti defectus, siquidem supra quomodolibet inter
uenerint supplemus. Decernentes, præsentis litte
ras validas firmas, & efficaces existere, & fore suosq;
plenarios, & integros effectus sortiri, & obtinere, *ac
ab omnibus, & singulis ad quos spectat, & pro tempore
spectabit inviolabiliter observare*, sicque, per quoscumq;
Iudices ordinarios, & delegatos etiam causarum Pa
latij Apostolici Auditores iudicari, & definiri debere.
*Irritumq; & inane, si secus super his a quoquam quavis
autoritate scienter, vel ignoranter contingerit attentari.*
Quo circa venerabilibus fratribus, Episcopo Oriole
n. & Segobrisen, ac dilecto filio causarum Curiae
Camerae Apostolicae Generali, Auditori per præ
sentes commitimus, & mandamus, quatenus ipsi,
vel duo, aut unus eorum per se, vel alium, seu alios
præsentis litteras, & in eis contenta quaecumque
ubi, & quando opus fuerit *ac quoties pro parte moder
norum pro tempore existentium. Præpositorum fuerint re
quisiti*. Solemniter publicantes, eisque in premis effi
caciae defensionis præsidio assistentes faciant autori
tate nostra, easdem præsentis, & in eisdem conten
ta huiusmodi, *ab omnibus ad quos spectat, seu in futurum
quomodolibet spectabit firmiter, & inviolabiliter observa
ri*. Contradictores quoslibet, & rebelles, per censu
ras Ecclesiasticas, aliaque opportuna iuris, & facti
remedia appellatione postposita compescendo, secu
tis.

risque super his habendis seruatis processibus, sen-
tentias, censuras, & poenas ipsas etiam iteratis vici-
bus aggravat. *Invocato etiam ad hoc quatenus oppus fue-
rit auxilio Brachij secularis* non obstantibus constitu-
tionibus Apostolicis, a edictæ Ecclesiæ, etiam iura-
mento confirmatione Apostolica, vel quavis alia fir-
mitate roboratis, statutis, & consuetudinibus privi-
legijs, quoque, & indulgis, & litteris Apostolicis in
contrarium, quomodolibet concessis, confirmatis,
& innovatis. Quibus omnibus, & singulis eorū tenore
præsentium, pro sufficienter expressis haberi, illis,
alias in suo robore permansuris, ad præmissorū efec-
tū specialiter, & expresse derogamus, cæterisq; con-
trarijs, quibuscumque. Datis Romæ, apud Sanctam
Mariam maiorem, sub annulo Piscatoris, die vige-
sima octava Augusti millesimi sexcentissimi quadra-
gesimi primi, Pontificatus nostri, anno decimo nono
M. A. Maraldus. Loco sigilli, Annuli Piscatoris. ✠